

五
田
聖
元
戎

			漢
		一	書
		二	門
		四	
	一	二	
	五	三	
	二	六	
	一	二	
冊	架	函	號
類			

			內
			文
			庫
			漢
			書
			類
			號
			冊
			架
			函
			冊
			架
			類

內閣文庫		
番號	漢	12423
冊數	12	(2)
函號	300	217





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





Faint red rectangular stamp in the upper left corner of the right page, containing illegible characters.

Larger faint red rectangular stamp in the center of the right page, containing illegible characters.

Faint red rectangular stamp in the lower left area of the right page, containing illegible characters.

江戶醫學書院藏

聖元戒卷之一

明醫察御史東萊桂真其才命粹

趙州教授進之王好古

兩淮運同四明屠本峻重刊

兩淮運副姚江嚴昌世校正

傷寒之源

帝曰人傷于寒而傳為熱何也岐伯曰夫寒盛則生熱也寒氣外凝內鬱之理腠理堅緻玄府閉緻則氣不宣通濕氣內結中外相簿寒盛熱生故人傷于寒轉而為熱汗之而愈則外凝內鬱之理可知斯乃新

病數日者也今風寒客于人使人毫毛畢直皮膚閉而爲熱當是之時可汗而發也 海藏云傷寒冬傷于寒也邪氣內藏至春夏而發爲熱病元受邪氣伏藏遇春夏風寒所傷外邪喚出內邪也有有汗者有無汗者所以有傷風傷寒之異也亦有先傷寒而後傷風者亦有先傷風而後傷寒者亦有先傷寒而重感寒者亦有先傷風而重感風者此四者汗有多寡亦有止作亦有常汗而不止者有全無汗者先證重後傷輕則顯重者先證輕後傷重則亦顯重者當以

脉謹察之不可忽也利害天壤歿生係焉有傷于陽者風雨寒暑是也有傷于陰者飲食居處陰陽喜怒是也其變又有不可深數者元感風寒與新傷各合而變有有形無形內外之異所以治之當從其變而藥不一也輕重寒暑在其中矣歧伯曰平旦人氣生日中而陽氣降日西而陽氣已虛氣門乃閉是故暮而收拒無擾筋骨無見霧露反此三時形乃困薄扁鵲脉一呼一吸皆四至而瀦者邪中霧露之氣也仲景曰清邪中於上焦又曰霜降已後春分已前中霧

露者皆為傷寒也又曰清邪中於上焦濁邪中於上焦與飲冷同傷也

此一係議論在陰證論神木湯後霧露條下

且傷風者

惡風傷雨者惡濕傷寒者發熱惡寒傷暑者心熱畏日此皆傷于陽者也飲食不節者或饑或飽或冷或硬居處不時或塞或通或勞或逸陰陽太過者隱相易之形狀或一或二喜怒不常者須心腹之逆滿或隔或痞此皆傷于陰者也舊有冬伏之寒邪在經春夏之復傷而作傷于陽者則邪氣外併傷于陰者則邪氣內併新傷引出舊傷也或四季之中有一日兩

傷有一時并傷則內外相合其變至多矣或陽證或陰證或陰毒或襍證俱在其中先外傷後內傷外就內而合病若頭痛身疼輕而內傷重者當先治內之重者後治外之輕者先內傷後外傷內就外而合病若心腹痞悶輕而外傷重者當先治外之重者後治內之輕者然亦有內外俱輕亦有內外俱重當各從其所可先者而先治從其所并治者而并治次第不失萬舉萬全矣治內兼外者不可寒下若下則陷經邪于內治外兼內者不可熱發若發則益中熱于外

二者皆逆豈不危乎藥之寒熱可輕用哉

內傷論

內傷先傷胃或曰上熱下冷傷食病也手足四支微冷或四順兩脇熱甚此少陽也中州先傷少陽反病者何也答曰內傷者先傷胃足陽明也經云脾胃相通五穀消是脾與胃陽戊陰己共為腐熟今既胃傷連及脾也兩脇雖為少陽之地章門一穴所處即脾之膜也脇安得不熱況從內而至外者先少陽內傷中州而少陽亦病也假令內傷有巴豆及諸濕熱之

屬又有備急丸寒熱各半之例又有枳實大黃牽牛之屬亦有神麩麥蘗縮砂仁及三稜廣茂之例其藥不一又有玄明丸煮黃丸種種不一內傷之疾豈一藥所能畢哉今人無論證之寒熱人之虛實便之要結只一藥而主之寒熱安得不差所以人病者虛勞殘疾無所不有也然內傷脾胃與少陽俱病此陽病也若內傷陰病當以理中而復脉虛而細少陰病也脉虛而弦厥陰病也脉弱而虛大陰本病也

三陰之藥具見

陰證論潔古老詳說可下之藥於前今又詳說可用之藥於後并見陰證論

有無病能食

而傷者有有病不能食而傷者不可不知也內傷心
腹痛大小便不通服食藥心腹微快大小便通餘邪
傳入于標頭痛發熱後治其標標藥合隨三陽經用
輕治之即愈此由內而外先治其內後調其外此其
法也以其飲食過多傷之太過故邪熱之氣傳入于
標內既以定外又安得為之全愈若冬伏寒之氣在
經內傷喚出冬伏之邪先內傷次標病亦如前法先
治內後治外此內重而外輕故如是也若外重而內
輕先治其外後治其內可也以上止是內傷太過非

積寒傷冷也若積寒傷冷脉已從陰雖有標病不須
治標獨治內也內三陰之經所用皆溫劑內既得溫
標病不發而自愈何以然發表之藥不遠熱也三陰
溫雖非發表之藥亦不遠熱也內既以溫標病從內
而變亦從此而解矣若錯汗之三焦之氣絕而成大
陰也此溫中之劑雖獨治內亦兼治外也不可不知
陰證治本不治標標本俱得治標不治本標本俱
失 已有冬伏寒邪若內傷喚出舊邪使見太陽證
也若無冬伏寒邪者止是內傷發出不和邪氣多顯

少陽證也兩脇熱甚頭額痛手足冷如厥逆狀熱甚
然後手足溫或熱雖手指末亦有微冷者
王朝奉集
仲景活人

不可汗不可吐不可下

大法春宜吐春夏宜發汗秋宜下凡用發汗及吐下
湯皆中病便止不必盡劑也少陰病脉微不可發汗
亡陽故也宜附子湯 陽已虛盡自弱瀦者復不可
下之宜小柴胡湯 動氣在左在右在上在下并不
可發汗宜柴胡桂枝湯 少陰病脉細沉數病在裏

不可發汗宜當歸四逆湯 少陽不可發汗宜小柴
胡湯 咽中閉塞咽喉乾燥亡血衄家淋家瘡家不
可發汗已上六證并小柴胡湯 下利清穀不可發
汗宜理中湯四逆之類若四逆厥及虛家皆不可吐
厥宜當歸四逆湯虛宜附子湯 有熱人可黃耆人
參建中湯 少陰病隔上寒乾嘔不可吐宜小半夏
加橘皮湯溫中丸 咽中有動氣不可下咽中閉塞
不可下宜烏扇湯 諸外實者不可下諸四逆厥者
不可下虛家亦然厥宜當歸四逆湯虛宜附子湯

有熱入黃者人參建中湯本虛攻其熱必噦小柴胡湯
脉浮而緊法當身痛宜以汗解假令尺中遲者不可發汗榮氣不足血少故也宜小柴胡湯 脉濡而緊濡則衛氣微緊則榮中寒陽微衛中風發熱而惡寒榮緊衛氣冷微嘔心內煩此不可汗宜小柴胡湯 脉濡而弱不可發汗宜小柴胡湯 脉浮而大浮為氣實大為血虛小便當赤而難胞中當虛今反小便利而大汗出法應衛家微可與小建中湯今反更實津液四射榮竭血盡乾煩而不得眠此不可下

宜與小柴胡湯 脉浮大應發汗宜柴胡桂枝湯而反下之為大逆脉浮而緊者不可下宜桂枝麻黃各半湯數不可下宜柴胡桂枝湯 下之必煩利不止宜葛根黃芩黃連湯 脉濡弱浮數不可下宜小柴胡湯 脉濡弱微瀼微則陽氣不足中風汗出而反躁煩瀼則無血厥而且寒不可下宜桂枝甘草龍骨牡礪湯 結胸脉浮大不可下下之即死宜小陷胸湯 夫陽病多者熱下之則鞭宜小柴胡湯 太陽發汗不徹轉屬陽明微汗出不惡寒若太陽證不罷

下之為逆宜桂枝麻黃湯 太陽病饑外證未解不可下下之為逆宜桂枝麻黃湯 病致于陽而反下之熱入因作結胸病發于陰而反下之因作痞 病脈浮而緊而復下之緊反入裏則作痞 太陽與陽明合病喘而胸滿不可下宜麻黃杏子甘草石膏湯 太陽與少陽合病心下鞭頸項強而眩者不可下宜小柴胡湯 四逆厥及虛家皆不可下厥宜當歸四逆湯虛家宜附子湯 病欲吐者不可下宜小半夏加橘皮湯 太陰腹痛吐食自利腹痛下之必胸

下結鞭 厥陰病渴氣上衝心中熱既不欲食食則吐蚘下之利不止 少陰病飲食入四則吐心中溫溫欲吐復不能吐始得之平星寒脈弘遲者此胸中寒實不可下也宜溫中湯生薑汁半夏湯 無陽證強大便鞭者下之必清穀腹滿宜用蜜煎導等法 傷寒五六日不結胸腹濡脈虛復厥者不可下此亡血也宜當歸四逆湯下之即死宜四逆加人參湯 藏結無陽證不往來寒熱其人反靜舌上胎滑者不可攻也 攻謂下也 宜用小柴胡湯 針關元穴傷寒嘔多

雖有陽明證不可攻之宜小柴胡湯 陽明病身面
色赤攻之必發熱宜調胃承氣湯 色黃者小便不
利也宜五苓散 陽明病心下鞭滿者不可攻之宜
生薑瀉心湯 半夏瀉心湯攻之利不止者死宜四
逆湯 不可汗吐一條三法利害非輕前人多列經
後大抵醫之失只在先藥藥之錯則變生若汗下不
差則永無凶陽生黃畜血結胸痞氣及下利洞泄協
熱利瘕急虛勞等證生矣以其如此故錄大禁忌于
前使醫者當疾之初不犯也

又三忌

時忌 春夏不宜桂枝秋冬不宜麻黃

藥忌 已汗者不得再發已利者不得再泄

一病忌 虛人不妄用涼實人不宜用熱其所犯
之劑當從緩而輕

海藏云前人說不可汗下吐三法多在經後讀者往
往遺之此用藥之大禁必不可犯今列之篇首使人
易見爾

六陽證 先足經從湯液 後手經從雜例

仲景桂枝湯

治太陽證傷風自汗脉浮而緩

桂枝

芍藥

生薑

各一錢半

甘草

紅棗

去核

夏加黃芩知母石膏升麻

右為麤末水一盞煎至八分溫服自汗小便不數者宜用無汗小便數手足分不惡寒或膏梁好飲者不宜用

小建中湯

治陽脉瀋陰脉弦

桂 三字

芍藥

一錢半

甘草

半錢

生薑

三片

紅棗

擘去核後放此

右為麤末每服五錢生薑三片棗一枚水一盞半煎至八分去滓下膠飴兩匙再煎溫化服日三夜二尺脉尚遲再加黃耆末一錢 後人用治襍病改桂枝為桂取其厚薄不言枝

金匱小建中湯

治虛勞急悸衄腹中痛夢失精四肢酸疼手足煩熱咽乾口燥宜此方主之

桂枝

三兩 去皮

芍藥

六兩

甘草

三兩 炙

生薑

三兩 切

右六味㕮咀以水七升先煮五味取三升去滓內膠飴令消溫服一升日三服嘔家不可用此湯以其有甘草故也

千金療男女因積勞虛損或大病後小腹作疼四體沉滯骨內疼酸吸吸少氣行動喘憊或小腹拘急腰背強痛心中虛悸咽乾唇燥面目少色或飲食無味陰陽痿弱悲憂慘戚多臥少起久者積年輕者有日漸致瘦削五藏氣竭則難可復根又治

與大腸俱不足虛寒之氣小腹拘急腰痛羸瘠百病肘後黃耆建中湯有人參二兩

金匱黃耆建中湯

虛勞裏急諸不足宜此方主之

黃耆

桂枝

去皮

生薑

各一兩 切

芍藥

六兩

甘草

三兩 炙

大棗

膠飴

一升

右七味㕮咀以水七升先煮六味取三升大滓內膠飴令消溫服一升日三服 集驗云嘔者加生薑腹滿去棗加茯苓四兩一方療肺虛損不足痞

氣加半夏五兩

金匱黃耆桂枝五物湯

血痺病從何得之師曰夫尊樂人骨弱肌膚盛重因疲勞血出卧不得時動搖加被微風遂得之但以脉自濇在寸曰開上下緊宜針陽氣令脉和緊去則愈 血痺陰陽俱微寸口關上微尺中小緊外證身體不足如風狀宜此方主之

黃耆三兩

芍藥三兩

桂枝三兩 去皮

生薑六兩 切

大棗

右五味㕮咀以水六升煮取二升去滓溫服七合作三服一方有人參

金匱桂枝加龍骨牡蠣湯天雄散亦主之

夫男子平人脉大為勞極虛亦為勞 男子面色薄者主濁及吐血卒喘悸浮者裏虛也 男子脉虛沉弦無寒熱短氣裏急小便不利面色白時日暝兼衄少腹滿此為勞使之然勞之為病其脉浮大手足煩春夏劇秋冬差陰寒精自出酸削不能行 男子脉微弱而濇為無子精清冷夫失精家

小腹弦急陰頭寒目眩一作眼脹髮落脉極虛

遲為清穀凶血失精脉得之乳動微緊男子失精

女子夢交竝以此方主之

桂枝去皮芍藥生薑各二兩切甘草二兩

大棗十二枚龍骨煨牡蠣各三兩熬

右七味咬咀以水七升煮取三升去滓分溫三服

少諾云虛羸浮熱汗出者除桂加白薇附子各一

分故云加龍骨湯

天雄散

天雄三兩去皮白朮八兩桂枝六兩去皮龍骨一兩煨

右四味搗為末酒服方寸七日三服不如稍增之

易簡建中湯

治腹中切痛增損治療各各不同並見于後此藥

飲酒人不喜甘者不宜服此藥與桂枝湯用藥一

同但減芍藥加官桂枝數專治傷風發熱自汗用

此藥表之無汗者不宜服此

官桂三分白芍藥一分甘草半兩

右咬咀每服四錢水一盞半生薑五片棗一枚煎

至六分去滓服

大治婦人血痛男子心腹疼痛并四肢拘急疼痛
心腹疼痛甚者加遠志半兩或吐或瀉狀如霍亂
及冒濕寒賊風入腹拘急切痛加附子三分 痛
氣發作當歸附子建中湯煎時加蜜一匙頭許
一方治男子婦人諸虛不足小腹急痛脇肋膨脹
臍下虛滿胞中煩悸面色痿黃唇口乾燥少力身
重胞滿短氣腰背強痛骨肉酸疼行動喘乏不能
飲食或因勞傷過度或因病後不復加黃耆一兩

半名黃耆建中湯 一方治婦人一切氣血虛損

及產後勞傷虛羸不足腹中疼痛呼吸少氣小腹
拘急痛引腰背時自汗出不思飲食加當歸一兩

柴胡桂枝湯

桂枝人參湯

桂枝附子去桂加白朮湯

桂枝芍藥湯

若誤下傳裏傳表也

桂枝加大黃湯

去枝加大黃與大柴胡法有表有裏同例 已上諸湯並見活人舊小本

中

主朝奉桂枝白虎問答

云春初秋末冬月方用桂枝麻黃五六月壯熱不

用白虎若誤用桂枝麻黃則內熱發黃生斑必死
二月三月四月溫病宜陽旦湯七月八月猶熱病
壯熱尚宜白虎自然汗解或問孫曰杜張皆言變
苦果見桂枝麻黃證亦豈得不用只用白虎也孫
曰此說甚妙但臨時看證用之老弱之人不宜白
虎白虎治傷寒亦治渴證

桂枝例

活人陽旦湯

治中風傷寒脈浮發熱往來汗出惡風項強鼻鳴

乾嘔

桂枝

三

芍藥

三

甘草

二

黃芩

二

右剉如麻豆大每服五錢水一盞半棗一箇生薑
三片煎至一盞取八分清汁溫服

自汗者加附子渴者加桂加括萋主利者去芍藥
名當歸建中湯若產後半月每日三服令人可壯

黃耆建中湯

桂

芍藥

甘草

加黃耆

當歸建中湯

桂 芍藥 甘草 加當歸

局方藥令黃耆湯 范汪當歸湯皆出桂枝建中例

大建中湯 主治並見局方

桂心 錢三 芍藥 錢二 甘草 錢八 棗 二枚 擘破

生薑 錢八 加黃耆 錢二 當歸 錢一 人參 錢一

附子 錢半 半夏 錢三

右呶咀水五盞煎至三盞去滓分作三服

桂枝加葛根湯 桂枝加厚朴杏仁湯

桂枝加附子湯 桂枝去桂加白朮茯苓湯

桂枝加芍藥湯 桂枝去芍藥加附子湯

桂枝甘草湯 桂枝白朮甘草湯 四味

茯苓桂枝甘草大棗湯 四味 漫水

茯苓桂枝生薑甘草湯 四味

桂枝加桂湯

桂枝去芍藥加蜀葵牡蠣龍骨救逆湯

桂枝甘草龍骨牡蠣湯 柴胡桂枝甘草湯

桂加乾薑三心不悸者去芍藥加茯苓三虛勞裏
急者正陽旦湯主之煎時入膠飴住 若脉浮緊

無汗發熱者不可與服也

活人陰旦湯

王朝奉陰旦湯與活人同

治傷寒股節疼痛內寒外熱虛煩

桂心 三

芍藥 三

甘草 一

大棗 十五

乾薑 一

黃芩 二

此一味酌量加減

右剉如麻豆大每服五錢水一盞半煎至八分去

滓溫服日三夜二

活人解肌湯

治溫病頭疼壯熱

桂心 分一

芍藥 兩半

甘草 分一

麻黃 分三

葛根 兩

黃芩 兩半

右剉如麻豆大每服五錢水一盞半棗一枚煎至

八分日三服三日後不解者再服脉浮者宜再服

脉沉實者下

仲景麻黃湯

治傷寒無汗脉浮而緊

麻黃 一

去節

官桂 一

去浮皮

甘草 錢

炙半

杏仁 三

半箇

右為麤末每服五錢水一盞半煎至八分去滓溫

服夏加知母黃芩石膏恐有斑黃之變惟冬與春

病人素虛寒者不宜加此

仲景桂枝各半湯

桂枝一錢半

芍藥一錢

生薑一錢

甘草二錢

麻黃一錢

杏仁二枚半

棗半枚

右為麤末每服五錢水一盞半煎至八分去滓溫服

服

奉議先生云治傷風得傷寒脉傷風脉證脉不同故

宜各半湯

桂枝二麻黃一湯

桂枝二越婢一湯

大青龍湯

麻黃杏仁甘草石膏湯大青龍湯去桂是也

麻黃三錢

桂一錢

杏仁二枚

生薑

五錢

棗一枚

甘草一錢

石膏

半錢

右為麤末每服五錢水一盞半煎至八分去滓溫服汗周止後服

小青龍湯

麻黃

細辛

乾薑

甘草

桂

芍藥

各三字

五味子

各半錢

半夏

一錢一字

生薑

三片

棗

一枚

右為麤末水一盞半煎至八分去滓溫服日三夜

二後人增損為華蓋散大青龍去桂石膏倍杏仁

治嗽

仲景襍方治客忤

麻黃四兩

杏仁七十枚

甘草三兩

右以水八升煮取三升服之

又方

桂一兩

生薑三兩

梔子十四枚

鼓五合

右以酒三升攪煮之去滓頓服取差一法用桂枝一法用麻黃以其有汗無汗也

仲景麻黃升麻湯

治壞證傷寒六七日大下後寸脉沉而遲手足厥下部脉不至咽喉不利唾膿血泄利不止者為難

治

升麻一兩

麻黃去節二兩

知母

黃芩

歲莖各十八銖

石膏

白木

乾薑

芍藥

天門冬

桂枝

茯苓

當歸一兩

甘草六銖

右十四味以水一斗先煮麻黃一兩沸去上沫內

諸藥煮取三升去滓分溫三服相去如炊三斗米
頃令盡汗出愈寸脉沉遲下部又不至泄利久不
止不可輕用此藥

海藏云仲景麻黃升麻湯條下爲下之而寸脉沉遲
或厥或咽喉不利咳嗽下膿血或下利不止斷作
難治此藥有桂枝有麻黃湯有乾薑芍藥甘草湯
有白虎湯內更有少陽藥黃芩是也此是三陽合
而標病不應下而下之壞而成肺痿也若脉
不遲者去乾薑官桂不利者亦去之寸口脉小

者去黃芩此隨證而加減之也前人全用藥以某
前證悉備故用三陽標藥以治之經曰治病必求
其本是也

肺痿之源

衍義云有一溫病已十二日診之其脉六七至而瀉
寸稍大尺稍小發寒熱頰赤口乾目不了了耳聾
問之病後數日經水乃行此屬少陽熱入血室也
若治不對病則必死乃按其證與小柴胡服之二
日又與小柴胡湯加桂乾薑也一日寒熱遂止又

云我臍下急痛又與抵當丸微利臍下痛痊身漸涼脉漸勻尚不了了乃復與小柴胡湯次日云我但胞中熱燥口鼻乾又少與調胃承氣湯不得利次日又云心下痛又與陷胞丸半服利三行之日虛煩不寧時妄有所見時復狂言雖知其中有燥屎以其極虛不敢攻之遂與竹葉湯去其煩熱其夜大便自通至曉兩次有燥屎數枚而狂言虛煩盡解但咳嗽唾此肺虛也若不治恐乘虛而成肺痿遂與小柴胡去人參大棗生薑加乾薑五味子

湯一日咳嗽減二日而病悉愈以上皆用張仲景方

王朝奉陽毒條下有金匱千金唾膿血二條內有吐血肺痿失治久不愈變肺癰為難治孫真人詳說并藥證具見甘桔例少陰條下並出仲景金匱祖方

仲景麻黃杏仁甘草石膏湯 麻黃附子細辛湯
麻黃連翹赤小豆湯 麻黃附子甘草湯
易簡杏子湯

主治修製並見活人

治一切咳嗽不問外感風寒內傷生冷及虛勞咯
血痰飲停積悉皆治療

人參 半夏 茯苓 乾薑 甘草

官桂 芍藥 五味子 細辛

右咬咀每服四錢水一盞半杏仁去皮尖剉五枚
薑五片煎至六分去滓食前服

若感冒得之加麻黃等如脾胃素實者用罌粟殼
去筋膜碎剉以醋淹炒等分加之每服添烏梅一
枚煎服其効尤驗若嘔逆惡心者不可用此法又

云杏仁以參倍加麻黃添芍藥加麻黃之數乾薑
五味子各增一半名小青龍湯大治久年咳嗽氣
虛喘急皆得其宜二方中有麻黃有汗人不宜服
此劑

仲景麻黃湯例

仲景麻黃杏仁薏苡仁湯

治風濕身煩
疼日脯劇者

麻黃

三兩

杏仁

三枚

甘草

薏苡仁

各一兩

右四味以水四升煮取二升分溫服

仲景薏苡仁附子湯

治胸痺偏
緩急者

薏苡仁 一十
五兩

附子 十枚
炮

右二味杵末每服方寸七日三

活人麻黃葛根葱鼓湯

治傷寒三二日頭項腰脊痛惡寒脉浮而緊四味
隨定奪分兩

右剉如麻豆大水煮麻黃去沫次下葛根二十沸
次下鼓次下葱白煎成去滓溫飲少時以葱醋粥
投之覆衣取汗後有活人葱白例并王胡奉葱白
等方

活人知母麻黃湯

易老解利法

乾山藥 一兩 藜蘆 一錢

右為細末紙燃蘸少許鼻內嚙之

麻黃醇酒湯 治黃
疸病

凡用麻黃去節去沫曝乾再用麻黃一把去節綿
裹美酒五升煮取半升去滓頓服

一法治風此箇風字非傷風自汗即中風痺而無升
故用麻黃後越婢中有風痺字

麻黃兩一 穿山甲錢二 人參錢二 甘草

水酒各一碗同煎服

越婢湯治風濕痺脚氣弱

麻黃去節去沫 焙二兩 石膏兩四 白朮兩一

附子一兩 炮 甘草兩炙半

右剉如麻豆大每服四錢水一盞半生薑三片棗一枚煎至八分去滓溫服

通頂散解利傷寒

藜蘆兩半 躑躅華錢一 藿香葉錢二

右為細末紙撚蘸少許鼻內啗之

活人獨活散治傷寒溫濕

羌活 獨活 防風 細辛

黃芩 川芎 甘草 人參

茯苓 枳殼 甘菊華 石膏

麻黃 蔓荊子 薄荷 生薑

右十三味為麤末坐薑薄荷水煎去滓溫服年高者以川芎代黃芩自汗者減麻黃風濕證多自汗故減麻黃

活人敗毒散

治傷風溫疫風濕風眩風痰卑濕

羌活

獨活

前胡

柴胡

枳殼

人參

茯苓

桔梗

甘草

川芎

為細末生薑水煎或沸湯點亦可大人小兒皆宜
瘴烟之地溫疫時行或人多風痰或處卑濕脚氣
此藥不可闕

海藏云傷寒得傷風脉傷風得傷寒脉故仲景有大

青龍之劑及汗出過多戒不可服有筋惕肉瞤之
證許公學士諄諄以此則知麻黃桂枝不可輕用
也及洪川韓氏又有桂枝之戒以其亂治貴賤之
不同芳草壅鹽之不等故耳至於楊氏明理特有
互見脉體非精於持診者則未易能也後之學者
安所適從哉

先師潔古老人博採眾方別立一法作十味大羌活
湯無問有汗無汗中風中寒悉皆治之使喜溫者
去五積之變熱好涼者除雙解之變寒雖市夫農

子用而無失自非聖賢之前身豈能筆下有此胸
次耶

易老大羌活湯

治傷寒脉浮而緊傷風脉浮而緩并解兩感惡候

羌活

防風

白芷

川芎

細辛

甘草

蒼朮

製

生地黃

黃芩

右麤末每服五錢生薑五七片水一盞半煎至七
分去滓稍熱服無時 大羌活湯全生地黃木許

曰中別為麤末各等分稱之名曰羌活地黃各半
湯解利兩感傷寒有神詳說見難知易老大羌活
湯劑料大小服餌溫熱加減並從緩急法
法加大黃治風熱滯于內同瀉青丸主治並見錢
氏 一法治破傷風用豆淋酒煎素有寒者加草
烏頭白末一字服之

芎辛例

芎辛湯

治頭風鼻塞身
重脊背拘急

川芎

兩半

細辛根

二錢

甘草

一錢半

右爲麤末量多少水煎去滓分二服臨卧 一法
加吳白芷辛夷甘菊華治鼻出黃水濁涕不絕腦
痛目昏

易簡芎辛湯

治一切頭痛發熱者不當服其餘痰厥飲厥腎飲
等證偏正頭痛不可忍者只以此藥并聖餅子不
拘病退但多服此自能作効仍服養正丹黑錫丹
并用此藥調鍾乳粉間服諸證頭痛緊捷之法法
以踰此但頭疼多用石膏蓋取其能墜痰飲然悉

性寒故以鍾乳代之腎厥頭疼尤得其宜或以石
膏煨過爲末用亦得

生附子

川烏頭生

南星炮

乾薑

細辛

川芎

已上各一兩

咬咀每服四錢水二盞薑五片茶芽少許煎至六
分去滓食前服 若氣壅寒盛只用川芎一兩細
辛半兩甘草三錢煎至如前服 又一方治頭疼
以細辛二錢川芎白芷減半爲細末搐入鼻中
一方治氣虛人頭疼以附子一隻生去皮切作四

片用生薑自然汁一大盞浸一宿慢火炙乾再炙
再蘸再炙後以漆盡薑汁為度高良薑等分為細
末臈茶調服之 又治着濕頭重眩暈用川芎白
朮生附子等分官桂甘草減半每服四錢薑十片
煎服

白龍丸

治男子婦人一切風偏身瘡癩手足頑麻偏正頭
疼鼻塞腦悶大解傷寒頭風又治霧露之氣或發
熱

川芎

細辛

甘草

藁本

白芷

各等分

右為細末藥四兩入石膏半斤細末係煨了者水
搜丸每兩分入丸薄荷茶清嚼下一丸食後服風
蛀牙疼用一丸分作三乾擦後用湯漱之便用葱
茶嚼下一二丸或作湯服之亦可

撥雲散

治眼

羌活

防風

甘草

柴胡

右等分水煎服之

海藏法白朮湯

白朮 三 防風 二 甘草 一

同仲景桂枝湯 黃耆湯 止汗者以生薑煎服

神朮湯

蒼朮 三 防風 二 甘草 一

同仲景麻黃湯 發汗者以葱白生薑煎服

若以此二藥若傷寒得傷風脈傷風得傷寒脈亦

同各半例加減治法並見陰證論六氣加減

黃耆湯 主治並見陰證論

人參 黃耆 白朮 白茯苓

芍藥 甘草 一法加 藿香

陳皮 生薑

黃耆甘草湯

治風寒入腠理令人膚痛行走無定 膚痛者摩之即痛按之即

肉不痛也

黃耆 三 甘草 一 生薑煎服

活人防風牡蠣白朮湯

治發汗多頭眩汗出筋惕肉瞤此壞證也

防風

牡礪粉

白朮等分

右為細末每服二錢酒調下米飲湯亦得日二三服汗止便服小建中湯

風論

上古聖人之教下也謂虛邪風避之有時註云乘虛而入非也俗云賊風者牕牖之風亦非也虛邪者從前來者為虛邪不勝已者亦為虛邪也經云從風入腠理注云辟被虛邪亦天之虛邪也移精變氣云賊風數至虛邪朝夕內至五臟骨髓外傷空竅肌肉無

問邪之虛實皆乘虛而入非乘虛而入便為虛邪也乃從前來與不勝已皆為虛邪也春甲乙則金風秋庚辛則炎風便是賊風也故勝已者為實邪從後來者是為實邪賊風也故風為百病之始善行數變衝盪吹擊而無窮有太過不及勝復之各異故撓萬物者莫疾乎風也四時八節之所傷初焉外舍久見內藏始自皮毛次入經絡次入大絡次入大經深入骨髓而不可治仲景小續命湯

治脉緊緩或浮緩主治證並見局方

麻黃 桂心 芍藥各五兩 甘草

生薑各五兩 人參 川芎 黃芩

杏仁 防風各半兩 防已 附子

崔氏外臺不用防已

右十二味㕮咀水一斗二升先煮麻黃三沸去沫

內諸藥取之二升分為三服不差再三兩劑隨經

輕重發之 腳氣服之亦老 天陰節變服之以

防瘡癩 恍惚者加茯神遠志 骨節煩疼有熱

者去附加白芍藥 千金翼深師古今錄驗有白

朮不用杏仁 救急方無芍杏仁三味 延壽方

無防風

易老法 六經加減例 四時增損同

麻黃續命湯 桂枝續命湯 白虎續命湯

葛根續命湯 附子續命湯 羌活連翹續命湯

獨活續命湯

治卒暴中風不省人事漸覺半身不遂

麻黃 人參 黃芩 芍藥

芎藭

甘草

杏仁各一兩

防風半兩

桂一兩

防已

一兩半

附子半兩

白華蛇肉

獨活

乾蝎

各三錢

右為麤末每服三錢水一盞半生薑五片煎取二盞去滓熱服食前

白華續命湯

治卒中急風牙關緊急精神昏憤

白華蛇

全蝎

獨活

天麻

附子

人參

防風

白殭蠶

肉桂

白朮

藁本

赤箭

川芎

細辛

白附子

甘草

半夏

麻黃

白茯苓

已上各一兩

右為麤末每服五錢水一盞生薑五片煎至七分去滓稍熱服

大續命湯

脉緊滑者主之治肝癘二風卒然瘖瘳若依古法用大小二湯通治五藏偏枯賊風

麻黃八兩

石膏四兩

桂心

川芎

乾薑 各二兩

當歸

黃芩 各一兩

杏仁 二十枚

竹瀝 一升

甘草 千金翼有

右九味㕮咀水一斗先煮麻黃二沸去沫下諸藥煮四升去滓又下竹瀝煮數沸分作四服能言未差後服小續命舊無竹瀝今增如神大八風散復有竹瀝葛薑三汁法

小續命湯

脉微弱者主之治大風經藏奄忽不能言四肢垂皮肉痛痒不自覺也

獨活

麻黃 各三兩

川芎

防風

當歸

葛根

生薑

桂心 各二兩

茯苓 一兩

附子

細辛

甘草 各兩

右十二味㕮咀水一斗煮取四升五服老小各半之初得病有汗去麻黃無汗復用之上氣者加吳茱萸二兩厚朴一兩乾嘔者加附子一兩哕者加陳皮二兩胞中吸吸少氣者加大棗十二枚心下驚悸加茯苓二兩熱者去生薑加葛根初得風未須加減且作三劑四五日後視虛

實論之行湯針灸法

醫學之術卷之一

三三

